

左  
通  
補  
釋

補釋廿一

起哀公元年  
盡十三年

左通一

錢塘梁履繩學

哀元如子西之素解子西本計爲壘當用九口而成

案功命日謂之素宣十一年令尹蔣艾獵城沂三旬而成

不愆于素是也

惠氏補注六

吳王夫差敗越于夫椒解夫椒吳郡吳縣西南大湖中椒山正義杜於此注以椒爲山名土地名以夫椒爲地名以椒必在山旁以山表地耳

通典包山一名夫椒山卽西洞庭山也在太湖中左太沖

吳都賦指包山而爲期集洞庭而淹畱卽此山周回百三

十五里在今江南蘇州府吳縣西南八十五里

大事表  
八下

別詳駁證

係于會稽解上會稽山也在會稽山陰縣南

會稽山名登山而處以避兵難漢書地理志下注史記夏本紀禹會

諸侯江南計功而崩因葬焉命曰會稽會稽者會計也水

經注漸江謂之古防山周禮職方氏所謂揚州之鎮也在今

浙江紹興府會稽縣東南十二里大事表

使大夫種

文氏姬姓風俗通云周文王支孫以諡為氏越大夫文種

通志氏大夫種姓文氏字禽案莊子徐无鬼音義文選豪

英略曰文氏少禽今楚之鄒人呂氏春秋當染篇注畢氏說云

本無此文楚之鄒人它書引吳越春秋有云文種為宛

令之三戶之里見蠡案鄒是時尚未屬楚尊師篇注又作

楚鄒人皆誤當作楚之鄒人錢氏大昕云太平寰宇記江

陵府人物云文種楚南郢人此必本於高氏注北宋本猶未譌也種本楚郢人故得爲宛令若鄒若鄆皆非楚地矣王伯厚引呂覽注以種爲鄆人則南宋本已誤然虞仲翔志敘人物亦無及種初不及種乾道四明圖經寶慶四明者當依寰宇記改正案文選豪士賦序注引吳越春秋

曰文種者楚南郢人也今所行吳越春秋無之寰宇記蓋據此文史記吳系家索隱曰大夫官也種名也而劉氏云姓大夫非也

臣聞之樹德莫如滋去疾莫如盡

戰國策

秦三

引書云樹德莫如滋除害莫如盡今在秦誓與

此異

惠氏補注六

餘詳攷異

滅夏后相解啟孫也后相失國依於二斟復爲澆所滅

汲郡古文曰帝相九年居於斟灌廿六年寒浞使其子澆

師師滅斟灌廿八年寒浞使其子澆弑帝公羊傳云君死

乎位曰滅

莊廿六年惠氏補注六

歸于有仍解后緡有仍氏女

賈逵曰緡有仍之姓也有仍國名后緡之家

史記吳世家集解有

仍國名未知其國所在春秋經桓五年天王使仍叔之子

來聘穀梁經傳並作任叔仍任聲相近或是一地甫呂虢

郭之類案地理志東平有任縣蓋古仍國

案任縣今直隸順德府屬春秋

時爲晉之任邑見襄卅年又索隱

生少康焉

服虔曰后緡遺腹子

史記吳世家集解

逃奔有虞解虞舜後諸侯也梁國有虞縣

案堯典殛于虞虞在河東太陽縣西山上有虞城今爲山西解州平陸縣舜因以爲有天下之號周興封仲雍之後爲虞國正是其地而禹受舜禪封商均于虞卻在梁國虞縣今爲河南歸德府虞城縣

大事表  
七之四

虞思於是妻之以二姚解姚虞姓

帝王世紀曰瞽叟之妻曰握登生舜于姚墟故姓姚氏

文選

王元長三月三日曲水詩序注

而邑諸綸解綸虞邑

左傳逃奔有虞爲今歸德府虞城縣西南三里故虞城是則邑諸綸之綸去此不遠所以司馬彪云虞有綸城少康邑杜佑云虞城有綸城卽少康邑不他及今虞城縣東南

義原鄉果有故綸邑城

案春秋地名攷略云縣西三十五里有綸城

奈何魏王

泰章懷太子賢李弘憲復於登封縣西南七十里漢綸氏城曰夏少康綸邑乎虞思蕞爾國安得跨八百里外之邑而爲一國或曰畢竟綸氏古何屬余日以竹書紀年考之楚吾得帥師及秦伐鄭圍綸氏蓋鄭邑也邑自以綸氏二字爲名與綸僅一字名者迥別

尚書古文疏證六下

有田一成有衆一旅

解

方十里爲成五百人爲旅

正義方十

里爲成司馬法文也五百人爲旅夏官序文也云云計方十里爲方一里者百方一里有九夫之田則十里容九百夫也其一百夫授上地不易者其四百夫授一易二而當一則得爲五百夫矣

一成之地有九百夫宮室塗巷三分去一餘六百夫上地  
家百畝中地家二百畝下地家三百畝通率三家受六夫  
之地則一成六百夫定受地有三百家而云有衆一旅五  
百家者據上地多家亦多也

周禮考工  
記匠人疏

以收夏衆撫其官職

服虔曰因此基業稍收取夏遺民餘衆撫脩夏之故官憲

典

史記吳世  
家集解

祀夏配天

服虔曰以鮌配天也

吳世家  
集解

違天而長寇讎解猶言天與不取

漢書蕭何曰書云天子不取反受其咎

惠氏補  
注六

案外傳



越語范蠡曰臣聞之得時無怠時不再來天子不取反爲之災並是韻語與漢書略同

欲與楚者右

此與絳侯右祖意同懷公意欲從吳故使與楚者右惠氏補注

取棘蒲

晉地棘蒲

杜氏土地名

漢封功臣柴武爲侯邑今直隸趙州城

中有棘蒲社

大事表七之三

器不彫鏤解彤丹也鏤刻也釋文彤丹漆也

韓非子述由余對秦穆公曰舜作食器流漆墨其上國之不服者十三禹作祭器墨染其外朱畫其內國之不服者

三十三

見十過篇

此雖寓言非實事然當時究既貢漆而豫又

貢之則漆之爲用亦廣矣彤鏤之器實始於此

禹貢錐指八

死知不曠解知身死不見曠弃

曠空也言不爲徒死知上必有以恤之

顧氏補正下

次有臺榭陂池焉解積土爲高曰臺有木曰榭正義釋宮云

閣謂之臺郭璞云積土四方也又云有木者謂之榭李巡云

臺上有屋謂之榭又曰無室曰榭四方而高曰臺

月令疏引李巡云積土爲之所以觀望禮器疏云兩邊築

閣爲基是其形四方也高誘呂氏春秋注云積土四方而

高曰臺臺加木爲榭

見仲夏紀

是臺上架木爲屋名之爲榭故

鄭注禮運云榭器之所藏也禮記疏引李巡云但有大殿

無室名曰榭書疏引孫炎云榭但有堂也左氏傳云成周  
宣榭火杜注引爾雅曰無室曰榭謂屋歇前孔疏云歇前  
者無壁也如今廳事也上文云有木者謂之榭謂臺上起  
屋屋中可以藏物與此異也

邵氏爾雅  
正義六

二哀將伐絞解邾邑

絞在山東兗州府滕縣北

春秋  
輿圖

案絞又小國名見桓十

一年

故賂以漵沂之田而受盟

漵水出鄒山東則流於邾魯之間今滕縣南十五里有漵  
水卽襄十九年取邾田自漵水者前所取未盡故邾復以  
漵東田賂魯此沂卽小沂水也

案水經沂水注云小沂水  
出黃孤山其出東海費縣

者俗謂之小沂水此第從俗出太山武陽之冠石山今沂州府費縣為

邾之沂此沂西田是也其出曲阜縣尼丘山西北逕魯之

雩門者為魯城南之沂曾點浴沂昭二十五年季孫請待

於沂上以察罪是也出沂州府沂水縣西北一百七十里

者為齊之沂襄十八年晉師東侵及濰南及沂是也

大事表八

下

子南僕解子南靈公子郢也

案世本靈公生昭子郢郢生文子木

案檀弓作弱牟

及惠叔蘭

案檀

弓檀弓惠子蘭生虎為司寇氏文子生簡子瑕瑕為衛將軍文

氏

禮記檀弓上正義

詳見十二年

郢不足以辱社稷

服虔曰郢自謂己無德不足立以污辱社稷

史記衛世家集解

案郢逆知有爭國之亂故辭立也

三揖在下

解

三揖卿大夫士正義服虔云三揖卿大夫士士

揖庶姓時揖異姓天揖同姓

案周禮司儀云土揖庶姓時揖異姓天揖同姓鄭以推手

小下之為土揖平推手為時揖推手小舉之為天揖又案

僖二年公羊傳荀息進曰虞郭見與獻公揖而進之何休

云以手通指曰揖與此別者推手解其揖狀通指道其揖

意也

儀禮鄉飲酒禮疏

八人衰經偽自衛逆者解欲為衛人逆故衰經成服

服虔曰衰經為若從衛來迎太子也

史記衛世家集解

吾車少以兵車之旆與罕駟兵車先陳旆先驅車也以先驅車益其兵車以示衆

此解未暢案襄十八年晉人伐齊斥山澤之險旆而疏陳之使乘車者左實右僞以旆先今亦此意蓋設旆於車盛爲軍容與罕駟兵車在前者相對結陳

陸氏附注三

上大夫受縣下大夫受郡解周書作雒篇千里百縣縣有四郡

制郊甸方六百里國西土爲方千里分以百縣縣有四郡郡有四鄙

逸周書作雒解

大事記云春秋時郡屬於縣趙簡子所謂謂上大夫受縣下大夫受郡是也戰國時縣屬於郡所謂上郡十五縣者是也

魏惠後七年

方孝公商鞅時并小鄉爲大

縣縣一令尚未有郡及守稱故魏納上郡之後十餘年秦

紀始書漢中郡或者山東諸侯先變古制而秦效之與

戰國

秦策二吳師道注

漢書地理志言秦并兼四海以爲周制微弱終

爲諸侯所喪故不立尺土之封分天下爲郡縣盪滅前聖之苗裔靡有子遺後之文人祖述其說以爲廢封建立郡縣皆始皇之所爲也以余觀之殆不然左傳僖三十三年晉襄公以再命命先茅之縣賞胥臣宣十一年楚子縣陳十二年鄭伯逆楚子之辭曰使改事君夷於九縣十五年晉侯賞上伯以瓜衍之縣成六年韓獻子曰成師以出而敗楚之二縣襄二十六年蔡聲子曰晉人將與之縣以比叔向三十年絳縣人或年長矣昭三年二宣子曰晉之別

縣不唯州五年遠啟疆曰韓賦七邑皆成縣也又曰因其  
十家九縣其餘四十縣十一年叔向曰陳人聽命而遂縣  
之二十八年晉分祁氏之田以爲七縣分羊舌氏之田以  
爲三縣哀二年趙簡子曰上大夫受縣下大夫受郡十七  
年子穀曰彭仲爽申俘也文王以爲令尹實縣申息晏子  
春秋七昔我先君桓公予管仲狐與穀其縣十七說苑臣術  
景公令吏致千家之縣一於晏子戰國策趙智過言於智  
伯曰破趙則封二子者各萬家之縣一史記秦本紀武公  
十年伐邽冀戎初縣之十一年初縣杜鄭吳世家王餘祭  
三年予慶封朱方之縣則當春秋之世滅人之國者固已  
爲縣矣史記吳王發九郡伐齊范蠡對楚王曰楚南塞厲



門而郡江東甘茂謂秦王曰宜陽大縣名曰縣其實郡也  
春申君言於楚王曰淮北地邊齊其事急請以爲郡便句  
奴傳言趙武靈王置雲中鴈門代郡燕置上谷漁陽右北  
平遼西遼東郡以拒胡又言魏有河西上郡以與戎界邊  
則當七國之世而固已有郡矣吳起爲西河守馮亭爲上  
黨守李伯爲代郡守西門豹爲鄴令荀況爲蘭陵令城渾  
說楚新城令衛有蒲守韓有南陽假守魏有安邑令蘇代  
曰請以三萬戶之都封太守千戶封縣令趙封馮亭亦云而齊威  
王朝諸縣令長七十二人則六國之未入於秦而固已先  
爲守令長矣故史言樂毅下齊七十餘城皆爲郡縣而齊  
湣王遺楚懷王書曰四國爭事秦則楚爲郡縣矣張儀說

燕昭王曰今時趙之於秦猶郡縣也安得謂至始皇而始

罷侯置守邪

日知錄二十二

庶人工商遂解得遂進仕

梁英書曰戰國齊策非不尊遂也鮑彪注遂猶達漢書儒

林傳弟子遂之者注師古曰遂謂名位成達者

志父無罪解志父趙簡子之一名也

案相臺岳本作一名惠氏注云杜意言趙鞅一

名志父今俗

改名誤服虔云趙鞅入于晉陽以叛諸侯之策書

曰晉趙鞅以叛既復更名志父或當然也

志父簡子後名春秋書趙鞅入于晉陽以叛後得反國故

改爲志父

國語晉語九注

桐棺三寸不設屬辟解屬辟棺之重數王棺四重君再重大

夫一重正義禮喪大記云云

刑餘罪人之喪不得合族黨獨屬妻子棺槨三寸衣衾三

領不得飾棺不得書行以昏殯凡緣而往埋之荀子禮論篇墨

子曰桐棺三寸葛以爲緘見節葬下趙簡子亦云然則厚三寸

刑人之棺也又注

素車樸馬解以載柩正義曲禮云大夫去國爲位而哭乘髦

馬鄭玄云髦馬不鬣落也則此樸馬亦謂不鬣落

荀子臣道篇云若馭樸馬楊倞曰未調習之馬惠氏補注六

無入于兆解兆葬域正義周禮冢人云凡死于兵者不入兆

域鄭玄云戰敗無勇投諸塋外以罰之此言不入兆域亦罰

也

檀弓死而不弔者三其一曰畏亦此類也

莊子戰而死者其人之葬也不

以嬰資崔本作嬰坎坎音坎謂先人墳墓也

案見德充符

若敝無存死而齊侯三禭

之與之屏軒與直蓋而親推之三僮汪錡死而仲尼曰能

執干戈以衛社稷可無殤也豈得以此一槩隋文帝仁壽

元年詔曰投主殉節自古稱難隕身王事禮加二等而世

俗之徒不達大義致命戎旅不入兆域虧孝子之意傷人

臣之心興言念此每深愍歎且入廟祭祀並不廢闕何至

墳塋獨在其外自今以後戰亡之徒宜入墓域可謂達古

人之意又攷晉趙文子與叔譽觀乎九原而有陽處父之

葬則得罪而見殺者亦未嘗不入兆域也

左傳襄公二十九年齊人葬莊

公於北郭注引兵死不

入兆域日知錄五

郵無恤御簡子解郵無恤王良也王義王良之善御最有名

於書傳多稱之楚辭云當世豈無騏驥兮誠無王良之善御

案今王逸注見執轡者非其人兮故駒跳而遠去見東方朔

本作善駮章山井氏考文云葛歷太駒作駒案宋玉九辨第五章有此四語次句作誠莫之能善御駒跳王逸注本作駒跳

郵王良邑為郵氏又并西京雜記有郵長倩案郵無

恤晉語作郵無正蓋趙簡子之子襄子亦名無恤嗣立約

在哀廿年前故更名無正其氏為郵其稱孫無政者呂氏審分

篇淮南覽因即孫陽而誤故亦稱孫郵見三國魏志陳思王植傳其又

稱王良者王良乃星名與造父星俱屬紫微垣據西儒利瑪竇經天

該史記天官書所謂王良策馬是也故以王良為號亦曰

王梁荀子王論篇梁良古字通其託精天駟之說覽冥與

論衡命義篇

傳說騎箕相似深所不信至伯樂別是一人

據漢書王褒傳顏師古注

在秦穆公時

列子說符篇淮南道應訓

而非趙簡子時之伯樂此伯樂

卽孫明

見晉語九呂氏似順論

其氏爲李翻譯名義集第六云李伯

樂是也秦伯樂爲孫陽氏嬴姓英賢傳曰秦穆公子有孫

陽伯樂善相馬

通志氏族略四

則以爲姓孫名陽

莊子馬蹄篇音義

又以

爲伯樂字孫陽

翻譯名義集

並非也伯樂漢書人表作柏樂亦

作博勞音相同耳

廣韻博字下

石氏星經云伯樂星名主典天

馬孫陽善馭故以爲名

見莊子音義

可知人特以伯樂爲號秦

伯樂蚤以善相馬得此稱晉伯樂遂承之如堯時羿夏時

羿之類凡書傳中亟舉爲口實者皆秦之伯樂也此王良

爲號無疑故傳亦謂之子良郵良亦謂之尤良

文選廬子諒贈劉琨

詩 尤郵古字通或謂王良字子期者

張鼎思琅邪代醉編

因韓非子

喻老篇云趙襄主學御於王子期而誤也愚意趙氏當日

招致豪僞爲衆士所歸賢如安于竇犖周舍力如少室周

牛談詐如陽虎不可勝數其善御及相馬者有郵無恤孫

明王子期

外篇說石下篇作王子於期

必欲并爲一人何見之隘乎人

表以郵無恤王良伯樂列爲三人者固謬諸家以爲總一

人者尤謬斷無一人而有郵無恤王良子良郵良郵無正

孫郵孫無政孫明孫陽伯樂王子期劉無止

今俗本漢書注謬郵無正

爲劉無止琅邪代醉編誤據之十二名若後世之多爲別號者古人焉有

此乎

登鐵上解鐵上名鐵在戚城南

水經

河水

注河水過濮陽縣北東逕鐵丘南今開州

案州屬直

隸大

北五里有鐵丘地名王合里

春秋地名

繁羽御趙羅解晉大夫

武生二子曰獲

昭

曰成

昭

獲之孫曰羅

春秋分記

衛大子禱

禱謂將戰時請福也

國語晉語九注

曾孫蒯聵敢昭告皇祖文王烈祖康叔

正義

禮於曾祖以上

皆稱曾孫此雖並告三祖對文王康叔稱曾孫也

曾猶重也自孫之子而下事先祖皆稱曾孫

詩維天之命箋

孫是

其正稱自曾孫已下皆得稱孫

案小雅信南山正義曰曾者重也自曾祖以至無窮

皆得稱

曾孫哀二年左傳云曾孫蒯聵敢告皇祖文王烈祖康



叔是雖歷多世亦稱曾孫也

案穀梁桓二年傳疏曰玄孫者以玄者親之極至來孫昆

孫之等亦得通稱之亦如左傳

禮記郊特牲稱曾孫某

禮記郊特牲稱曾孫某

注謂諸侯事五廟也於曾祖已上稱曾孫而已晉書鍾雅

傳元帝詔曰禮事宗廟自曾孫已下皆稱曾孫義取於重

孫可歷世共其名無所改也

日知錄五

無面傷

案外傳晉惠公韓之誓曰將止不面夷死此求勝之辭故

云無面夷

惠氏補注六

大命不敢請正義謂己之身命不敢私請苟以求生

晉語曰死不敢請韋昭曰言不敢請歸之神也

惠氏補注六

獲其蠶旗解旗名

周武王東伐紂夜濟河時雲明如晝八百之族皆齊而歌  
有大蜂狀如丹鳥飛集王舟因以鳥畫其旗翌日而梟紂  
名其船曰蜂舟魯哀公二年鄭人擊趙簡子得其蜂旗則

其類也

王嘉拾遺記二

趙孟喜曰可矣解喜太子前怯今更勇

亦以中行氏失援糧竭必將亡

顧氏補正下

我兩靽將絕吾能止之我御之上也駕而乘材兩靽皆絕解

止使不絕材橫木明細小也正義古之駕四馬者服馬夾轅

其頸負輓兩驂在旁挽靽助之詩所謂陰靽鑿續是也說文

云靽引軸也僖二十八年注云在胷曰靽然則此皮約馬胷

而引車軸也兩靽將絕而能制焉言其御之和也駕而乘材

材謂橫地細小之木也乘小木而鞮絕示其將絕之驗也

能止馬徐行故不絕乘轆也材橫木也

國語晉語九注

陰拚軌者

謂輿下三面材以板木橫側車前所以陰映此軌也鞮者

以皮爲之繫於陰板之上令驂馬引之何則此車衡之長

唯六尺六寸止容二服而已驂馬頸不當衡別爲二鞮以

引車是橫軌之前別有驂馬二鞮也

詩小戎正義

案晉語作

兩鞮鞮卽鞮之異名鞮詩小戎釋文作靳譌也

詳定九

呂氏

春秋處方篇曰韓昭釐侯出弋鞮偏緩其右攝其一鞮適

之亦驂馬兩鞮之證

吳洩庸

仁和俞葆寅曰洩庸是吳臣自吳越春秋

四

漢書董仲舒

傳王褒四子講德論並以越之舌庸爲洩庸

詳見攷異

而後人

遂混爲一人案舌庸見哀廿六年及外傳吳語當日越方  
卑事吳深謀雪恥焉有任用吳臣居然在五大夫之列乎  
杜氏世族譜以洩庸爲吳雜人不言卽舌庸

越譜闕

萬氏氏

族略云吳有洩庸越有舌庸是已

蔡遷于州來

蔡從新蔡遷此

詳隱四

謂之下蔡在淮水之北與壽春夾淮

爲固今江南鳳陽府壽州北三十里有下蔡城

大事表七之四

哀三

命周人出御書解周人司周書典籍之官御書進於君者

也

周禮

天官

司書掌邦之六典八灋八則九職九正九事邦中

之版土地之圖周人司周書其司書之類與在魯故以周人別之周禮在魯魯周公之後藏周典籍為多故以周人

名官

春秋分記職官書一

庀女而不在解庀具也

庀者省錄之意周禮

春官

大胥比樂官鄭大夫讀比為庀云

錄具之也

陸氏附注三

子服景伯至解景伯子服何也

子服伯子蓋仲孫蔑之立孫子服景伯

禮記檀弓上注

案世本獻

子蔑生孝伯

名它見魯語上

孝伯生惠伯

名椒見襄廿三

惠伯生昭伯

名

見昭

昭伯生景伯景是諡伯是字也

又正義

孔曰魯大夫子

服何忌也

論語憲問注

案左傳哀十三年景伯曰何也立後於

魯矣杜注云何景伯名然則景伯單名何而此注云何忌

誤也

案同時有仲孫何忌故致誤又正義

命宰人出禮書以待命解宰人冢宰之屬

案周禮

天官

宰夫凡禮事贊小宰比官府之具

春秋分記職官書一

宰

人當亦如宰旅之類

案宰旅見襄廿六大事表十

禮書蓋卽二十一年

所云儒書也分魯公以備物典策蓋與周人分掌之

周氏附論

校人乘馬中車脂轄解校人掌馬中車掌車

周禮夏官校人掌王馬之政故魯亦設是官晉宋並有校

正義

成十八襄九

正義曰校正當周禮校人是也襄三十一年傳

中車脂轄知晉有是官案周禮春官中車掌公車之政令

鄭注巾猶衣也巾車車官之長

大事表十

官人肅給

肅敬也給足也

國語晉語七注

季桓子至御公立于象魏之外命救火者傷人則止財可爲也命藏象魏解象魏門闕周禮正月縣教令之法于象魏使萬民觀之故謂其書爲象魏

觀謂之闕

爾雅釋宮

詩疏引孫炎云宮門雙闕舊章縣焉使民

觀之因謂之觀太平御覽引潁容云闕者上有所失下得書之於闕所以求論譽於人故謂之闕矣考工記補注云記曰昔者仲尼與於蜡賓事畢出遊於觀之上蜡之饗亦祭宗廟廟在雉門內故出而至觀也春秋桓宮僖宮災火自司鐸踰公宮至二廟廟邇公宮也季桓子御公立於象

魏之外立當遠火也春秋穀梁傳桓三年曰禮送女父不下

堂母不出祭門諸母兄弟不出闕門廟門謂之祭門觀謂

之闕亦謂之象魏諸侯設於雉門是以雉門謂之闕門天

子蓋設於應門闕門在外祭門在內不出闕門者得出祭

門者也邵氏爾雅正義六孫炎云宮門雙闕者上縣法象魏使民

觀之處因謂之闕熊氏云當門闕處以通行路既言雙闕

明是門之兩旁相對為雙熊氏得焉白虎通云闕是闕疑

義亦相兼案何休注公羊天子兩觀外闕諸侯臺門則諸

侯不得有闕魯有闕者魯以天子之禮故得有之也案公羊昭

廿五年傳注云禮天子諸侯臺門天子外闕兩觀諸侯內

闕一觀疏云禮說文也據此諸侯亦得有闕魯之僭在雙

闕孔疏所引既略又以公羊傳云設兩觀乘大路此皆天

舊闕用天子之禮誤已



子之禮是也案定二年雉門災及兩觀魯之宗廟在雉門外左孔子出廟門而來至雉門遊於觀此觀又名象魏以其縣法象魏巍巍也其處巍巍高大故哀三年桓僖宮災季桓子至御公立于象魏之外命藏象魏曰舊章不可亡也熊氏云天子藏舊章於明堂諸侯藏於祖廟知者以天子視朔於明堂諸侯於祖廟故也

禮記禮運正義

孔子在陳聞火曰其桓僖乎

解

言桓僖親盡而廟不毀宜爲

天所災

正義

服虔云季氏出桓公又爲僖公所立故不毀其

廟其意或然

董仲舒劉向以爲此二宮不當立違禮者也哀公又以季氏之故不用孔子孔子在陳聞魯災曰其桓釐之宮乎以

爲桓季氏之所出釐使季氏世卿者也

案服說本此漢書五行志上

南孺子之子男也解南孺子季桓子之妻

魯有南遺南蒯南孺子亦南氏也

萬氏氏族略

則或殺之矣

卽康子爲之也朱子所云康子奪適謂此

讀左日鈔十二

哀蔡昭侯將如吳正義宣十七年蔡侯申卒云云

案三傳春秋書昭侯之名並作申然文侯已名申矣左傳

正義以爲二申必有一誤釋文亦云而世家又作昭侯甲

攷文侯父莊侯名甲午見定四年左傳年表書之則昭侯

亦不應與同名侯攷

史記志疑八

諸大夫恐其又遷也承解承音懲蓋楚言正義懲創往年之

遷

詩魯頌戎狄是應荆荼是徵

據史記建元以來年表所引文應膺同徵索隱音澄

莫我敢承毛傳曰承止也傳言承者謂諸大夫皆欲止之

也

惠氏補注六

公孫盱解盱即霍也

蔡公孫霍字盱爾雅釋山大山宮小山霍風俗通義山澤

篇萬物盛長霍然而大盱之言于也于大也爾雅釋詁許

大也方言中齊西楚之間曰許又云芋大也詩大雅生民

篇實覃實許小雅斯干篇君子攸芋毛傳並云大也易豫

六三盱豫悔釋文引王肅云盱大也許芋盱聲義並同周秦

名字解故上

致蔡於負函致方城之外於繒關解負函繒關皆楚地

負函在今河南汝寧府信陽州境繒關在今裕州境案州屬南

陽府大事表七之四

襲梁及霍解梁河南梁縣西南故城也梁南有霍陽山

梁縣城河南汝州西南四十五里周邑又嘗屬楚國語惠

王以梁與魯陽文子辭曰梁險而在遠境是也案楚語下韋注梁楚

北境文選王仲寶褚淵碑文戰國時謂之南梁以別於大

梁少梁案此本晉太康地理記史記田齊世家索隱引之南梁見戰國齊策一又魏策三謂之三梁吳師道

注云即南梁亦謂之上梁城讀史方輿紀要五十一全氏曰漢志河南郡

梁縣臣瓚曰此梁周之小邑見於春秋蓋即指楚人侵梁

及霍之梁在戰國時為南梁蓋大梁在浚儀少梁在夏陽

見文 南梁在汝水之傍三梁不可混也

趙氏水經渠水注釋

霍陽聚

在汝州東南亦名霍陽城左傳楚襲梁及霍服虔曰梁霍

周南鄙也

見水經汝水注

霍山在州西南六十里漢置霍山縣以

此得名亦曰霍陽山

一統志一百三十三

司馬起豐析與狄戎解析縣屬南鄉郡析南有豐鄉皆楚邑

今河南南陽府淅川縣西南有豐鄉城其地與鄖陽相接

淅川縣及內鄉縣之西北境皆析地

大事表七之四

以臨上雒

晉地上雒

杜氏土地名

竹書晉烈公三年楚人伐南鄙至于上

洛卽此漢置上洛縣至元始廢其地卽今商州治也

案州屬陝

西春秋地名略五

左師軍于苑和右師軍于倉野解苑和山在上雒東也倉野

在上雒縣

郡國志一注補引杜預曰在縣南

案水經

丹水

注丹水自倉野又東歷兔和山又東至商縣上

洛丹水在今商州城南一里州南百四十里有倉野聚

春秋

地名攷略五

將通於少習以聽命解少習商縣武關也

郡國志一注補引杜預曰少習縣東

之武關

少習山名在今商州東武關在少習山下故亦名少習京

相璠曰武關楚通上洛阨道也

見水經丹水注

春秋時蓋嘗爲晉

有以其近陰地穆公之世秦伐郤與楚爭商密商密近武關地至是云將通於少習是楚已得武關矣今由河南之

南陽湖廣之襄鄖入長安者必道武關自武關至長安四百九十里多從山中行至藍田始出險就平蓋自古爲險

阨矣

大事表  
八下

以畀楚師于三戶解今丹水縣北三戶亭

楚地三戶

杜氏土  
地名

史記楚南公曰楚雖三戶亡秦必楚後

項羽果使蒲將軍日夜引兵渡三戶破章邯說者以爲亡

秦之讖今攷三戶津服虔曰漳水津名也在河南彰德府

臨漳縣西三十里春秋時爲晉地楚之三戶在今南陽府

內鄉縣西南內鄉距臨漳驛道一千三百里地名偶同不

可以此混彼也

大事  
表九

衛甯跪

孔廣棡曰案說苑復恩篇衛有甯文子與智伯同時疑卽此甯跪然莊六年所見之甯跪其諡亦爲文所未詳也

趙稷奔臨解臨晉邑

晉臨在直隸趙州臨城縣東

春秋輿圖

欒郃解欒在趙國平棘縣西北郃卽高邑縣也

今直隸欒城縣

案縣屬正定府

及趙州北境皆古欒邑地

日講春秋解

義六十一桓二年駁證

詳

郃城直隸趙州柏鄉縣北二十二里春秋

時晉邑戰國策周顯王十二年趙韓會于郃又趙武靈曰

中山侵掠吾地引水圍郃是也

讀史方輿紀要十四

逆峙陰人

水經

滹水

注濡水出蒲陰縣西昌安郭南枉渚回湍率多曲



復亦謂之曲逆水春秋齊國夏伐晉取曲逆是也是直以

逆時為曲逆矣今其地在完縣案縣屬直隸保定府東南二十里春秋

地名攷略五正義云陰地橫長其間非一邑也陰人蓋即陰地

之別邑詳宣如霍亦稱霍人襄十周氏附論

壺口解路縣東有壺口關案土地名路作潞晉書地理志亦作潞

壺口山在今山西潞安府城東南十三里延袤百餘里東

接相州案今為河南彰德府之湯陰縣山形險狹形如壺口亦謂之崞口

自昔為襟喉之地大事表冀州有三壺口一在吉州西南

案州屬山西平陽府禹貢之壺口也一在汾陰縣西南之平山案今蒲州

府榮河縣北有汾陰故城平水所出亦名壺口山又名姑射山酈道元

謬以為尚書之壺口一在長治縣東南潞安府附郭左傳齊國

夏伐晉取壺口杜注潞縣東有壺口關潞縣卽今潞城縣

關以山爲名

案今有此二山皆非禹貢之壺口也近志洪

洞縣

案縣屬平陽府

西南亦有壺口山一名蜀山傳記無之此土

俗所稱故不數

禹貢雖指二

納荀寅于柏人解晉邑也今趙國柏人縣也

史記趙王遷元年置柏人縣屬趙國漢高祖八年過趙問

縣名不宿而去今柏人故城在直隸順德府唐山縣西十

二里

大事表七之三

五哀范氏之臣王生惡張柳朔

墨子

所染篇

曰范吉射染于長柳朔王胜長柳卽張柳

詳攷異

古複姓漢藝文志有長柳占夢

孔氏經學危言六

案程氏世譜

列張柳朔於晉張氏之下以爲卽張老張君臣等之族究未深攷耳

齊燕姬生子解燕姬景公夫人

服虔曰燕姬齊景公嫡夫人昭七年燕人所歸太平御覽皇親部十

齊燕姬之子荼嬖解齊燕姬景公妾

服虔曰齊燕姬景公妾也淳于人所納太平御覽皇親部十

云淳于人納女于景公生

二三子間於憂虞則有疾疾亦姑謀樂何憂於無君

服虔曰言二三子當國家閒暇無憂虞惟恐疾疹在其間

今無疾疹何爲不自謀自樂何憂無君乎

太平御覽皇親部十三

使國惠子高昭子立荼解惠子國夏昭子高張

服虔曰國惠子國景子之子國夏也

案國弱見成十八年此云國景子蓋舉其

蓋

高昭子高偃之子高張也

偃見昭十二御覽皇親部十三太平

寅羣公子於萊解萊齊東鄙邑

服虔曰寅置萊齊東鄙邑欲使遠齊

太平御覽皇親部十三案又見史記齊

世家集解

冬十月

長歷是年閏十月

趙訪春秋屬辭七

楊昌霖曰趙氏引長歷與

傳本文合孔疏稱長歷是年閏十一月蓋傳寫之譌

萊人歌之曰景公死乎不與埋三軍之事乎不與謀師乎師乎何黨之乎解師衆也黨所也之往也

服虔曰萊人見五公子遠遷鄙邑不得與景公葬埋之事

及國三軍之謀故愍而歌師衆也

案齊世家集解引作徒衆也

黨所也

言公子徒衆何所適也

太平御覽皇親部十三

淮南道應訓西窮穹

冥之黨黨當訓所案釋名上黨黨所也在山上其所最高

故曰上黨又公羊文十三年傳云往黨衛侯會公于沓至

得與晉侯盟反黨鄭伯會公于斐何休注黨所也所猶時

齊人語史記齊世家何黨之乎集解服虔曰黨所也此亦

齊人語然上黨在晉而亦以所爲黨則不獨齊人爲然矣

盧氏鍾山

案戰國齊策

六

歸於何黨矣鮑彪注黨猶鄉

也辭意正同亦齊人語又外傳越語上上黨之國韋昭注

上所之國謂中國則越人亦然

子思曰解子思子產子國參也

楚辭九章

惜往日

弗參驗以考實兮韓子八經篇必揆之以

地謀之以天驗之以物參之以人參有考驗之意故字子

思

周秦名字解故上

六哀

彼皆偃蹇解偃蹇驕敖

左傳偃蹇驕敖也廣雅偃蹇天矯也謂自高大兒也釋名偃偃息而臥不執事也蹇跛蹇也病不能作事今託病似

此也

一切經音義三

昭王攻大冥解大冥陳地

大冥當在今河南陳州府項城縣境

大事表七之四

潛師閉塗逆越女之子章立之而後還解潛師密發也閉塗

不通外使也

潛師密發往迎也閉塗防斷外寇也爲昭王薨於軍嗣子未定恐有鄰國及諸公子之變故伏師閉塗迎越女之子

章立爲惠王也

史記楚世家正義

有雲如衆赤鳥夾日以飛

鄭司農云象謂災變雲物如衆赤鳥之屬有所象似易曰

天垂象見吉凶春秋傳

昭十七

曰天事恆象皆是也

周禮春官大卜

注

楚子使問諸周大史

正義

服虔云諸侯皆有大史主周所賜

典籍故曰周大史一曰是時往問周大史

楚靈王言齊衛晉魯皆有分楚獨無有則楚不當有周所

賜典籍蓋自王子朝奉周之典籍以奔楚是時當有掌典

籍之大史從子朝奔楚楚子在外而使問周大史也惠氏補注

六 案說苑君道篇載此事云昭王使人乘驛東而問諸

太史州黎與往問之說殊合

若禋之解禋禋祭

案周禮大宗伯但言祀風師雨師無有言祭雲雷神者然觀

左傳楚辭九歌有雲中君朱注謂雲神也亦見漢書郊祀志則雲神之祭三代已

有之唯雷神未見明文耳五禮通考三十六

三代命祀祭不越望解諸侯望祀竟內山川星辰

服虔曰謂所受王命祀其國中山川爲望史記楚世家集解

江漢雖漳楚之望也解四水在楚界江見宣十二漢見莊四雖見定四漳見宣四



案江荊州南大江也漢江也二水楚境內也河黃河非楚

境也

史記楚世家正義

昔者楚熊麗始討此睢山之間

墨子非攻下篇畢

氏沉曰討當爲封睢山卽江漢睢漳之睢

夏書曰惟彼陶唐帥彼天常有此冀方今失其行亂其紀綱  
乃滅而亡解逸書言堯循天之常道滅亡謂夏桀也唐虞及  
夏同都冀州不易地而亡由於不知大道故正義賈服孫杜  
皆不見古文以爲逸書解爲夏桀之時唯王肅云太康時也  
案王肅注尚書其言多是孔傳疑肅見古文匿之而不言也  
堯治平陽舜治蒲坂禹治安邑三都相去各二百餘里俱在  
冀州統天下四方故云有此冀方也

逸書原有五子之歌今不得見予嘗妄意其書必不似今

襲左傳所引夏書之文何則賈逵注彼文爲夏桀之時不言太康逵固從父微受眞書云十六篇逸則可知其無矣又必不似今太康爲久畋失國何則離騷云啟九辯與九歌兮夏康娛以自縱不顧難以圖後兮五子用失乎家巷王逸注言太康不遵禹啟之樂而更作淫聲放縱情欲以自娛樂不顧患難不謀後世卒以失國兄弟五人家居閭巷失尊位也屈去古未遠猶見百篇全書故述其亡由此又必不似今昆弟五人各賦一章何則凱風七子之詩詩止四章仍出一人手類弁諸公刺幽王之詩孔氏以爲作詩者一人耳言諸公以作者在諸公之中稱諸公意以刺之豈有篇名五子之歌而遂五子排列作歌以應其名者

乎當是時哀宗國之顛覆痛社稷之淪亡親親之變五子  
皆然而中有一人焉發爲詩歌或情不自己溢而爲二章  
爲三章亦可而必如後代之分題授簡人限一詩者恐無  
此事縱五子盡嫺文辭雜然有作而必如此歌之首尾相  
應從輕至甚者亦恐無此事或曰疏亦以其一其二是作  
歌之次不必屬長幼矣予曰篇明言五子咸怨述大禹之  
戒以作歌非齊作乎凡疏及蔡傳曲爲孔書解者吾皆無  
取尚書古文疏證五下服虔云堯居冀州虞夏因之詩魏譜堯舜禹  
皆都河北故曰冀方古之天子常居冀州後人因之遂以  
冀州爲中國之號楚辭九歌覽冀州兮有餘淮南子覽冥訓  
女媧氏殺黑龍以濟冀州路史云中國總謂之冀州穀梁

傳桓五年曰鄭同姓之國也正義曰冀州者天下之中州唐虞夏殷皆

都焉以鄭近王畿故舉冀州以爲說

日知錄二

齊邴意茲來奔

案通志略三云齊有邴邑亦有邴氏文十八年邴歆成二

年邴夏襄廿五年邴師哀六年邴意茲特未詳所系而高

氏姓名攷云意茲邴夏後蓋以意度之耳

萬氏氏族略

出萊門而告之故解魯郭門也

萊門東北郭門也或曰卽陽關邑門也

春秋地名攷略二

定九年

傳陽虎使焚萊門注云陽關邑門時虎將奔齊蓋自魯適

齊道必由此門也

讀左日鈔補下

闕止知之解闕止陽生家臣子我也

闕在東平須昌縣東南史記齊系家索隱案闕為子我之邑即

以為氏蓋齊別有闕邑其在須昌者乃魯之闕地羣公墓

所在也詳昭廿五年

廢興無以亂

亡一公子是廢以亂也亡一大夫是興以亂也邵氏左

使胡姬以安孺子如賴解胡姬景公妾也賴齊邑安號也

哀十年晉趙鞅伐齊毀高唐之郭侵及賴而還即此今山

東濟南府治東近章丘縣界有賴亭大事表七之一張彝曰胡

姬故胡國姬姓女詳襄廿八不使荼之母同處者欲并除之故

下即去鬻姒矣與莊公殺戎子執公子牙相類

囚王豹于句瀆之丘解景公嬖臣

孟子趙岐注云王豹衛之善謳者疑卽此人

萬氏氏族略

句寶

之丘卽句瀆之丘也齊地

春秋地名攷略三詳襄十九年及攷異

君舉不信羣臣乎解舉皆也

悼公忌荼恐諸大夫復立荼而廢己欲使除之故僖子以

爲疑己

顧氏補正下

使毛遷孺子於貽解貽齊邑

貽齊地鄭樵以爲魯地誤也

春秋分記疆理書十一

或曰在今山東

青州府臨朐縣界

大事表七之一

葬諸及冒淳解及冒淳地名

及及戕國

案尚書作及斯漢書人表作朱斯通志氏族略四作及戕

齊地一曰冒澤

史路

國名紀六

案以三字爲地名者蓋謂故及國之冒淳也國名

紀一云及炎帝後姜姓國伯陵之子堯代有及戕卽齊地  
冒淳也特未詳所在

哀公會吳于鄆

鄆鄆衍二名

鄆衍見下傳及十七年傳杜云鄆衍卽鄆也杜氏土地名

詳見僖十

四年

制禮上物不過十二解上物天子之牢

上物亦通言之如冕與旗俱十二旒玉路樊纓十二就之

類皆是

陸氏附注三

大伯端委以治周禮解端委禮衣也正義王肅云委貌之冠

玄端之衣也

大伯端委以治端委禮衣委貌謂冠袖長而裳齊委至地

也

文選左太冲吳都賦劉涓林注

仲雍嗣之解仲雍大伯弟也

系本日吳熟哉居蕃離宋忠曰熟哉仲雍字蕃離今吳之

餘暨也

今浙江紹興府蕭山縣

解者云雍是熟食故曰雍字熟哉也

史記吳系家索隱

斷髮文身羸以爲飾豈禮也哉解仲雍嗣立不能行禮致化故效吳俗言其權時制宜以辟災害非以爲禮也正義漢書地理志云越人文身斷髮以辟蛟龍之害應劭曰常在水中故斷其髮文其身以象龍子故不見傷害

諸發曰彼越亦天子之封也不得冀充之州乃處海垂之際屏外蕃以爲居而蛟龍又與我爭焉是以翦髮文身爛



然成章以像龍子者將避水神也說苑奉使篇九疑之南陸事

寡而水事衆於是民人被髮文身以像鱗蟲淮南原道訓

禹合諸侯於塗山解塗山在壽春東北

禹合諸侯於塗山非會稽也禹在位八年不及再巡惟塗

山一會而已梁任昉述異記禹會塗山防風氏後至禹誅

之可與左傳證國語會稽之誣案魯語下云禹致羣神於會稽之山禹都安

邑葬必相近而絕無可攷豈非儉葬之故哉劉向尚未識

殷湯葬處至漢哀帝時案行水災始知湯冢在徵陌而水

經注廿三卷疑之路史前紀八辨之更何論禹也越絕書

吳越春秋言塗山在會稽唐蘇鶚演義云塗山有四一會

稽二淪州今四川重慶府巴縣三濠州今安徽太平府當塗縣然以濠

州爲是在今安徽鳳陽府懷遠縣東南八里杜注謂在壽  
春東北壽春卽濠州山有鯀禹兩廟又有禹會村唐柳宗  
元柳州集塗山銘宋蘇軾東坡集塗山詩俱在濠州確然  
可信烏知夏禹眞墓不在濠州之塗山耶水經注卅卷据  
國語以禹會在會稽謂杜注壽春爲非未免違戾然則會  
稽之謫何由曰管子封禪篇乃漢人羈竄其稱禹禪會稽  
本屬妄談而世俗以封禪爲帝王盛事有封禪必有朝會  
好事者遂假其說以神之并僞造少康封無余一節事而  
塗山之會不能沒禹又無二會於是謂會稽亦有塗山之  
名此康成之說見禮記王制正義酈道元竟以塗山之會是周穆而非夏  
禹穆會塗山在當塗與禹異處杜注昭四年左傳亦云在壽春誤也舉無足徵也必欲求

其說以通之則論衡

書虛篇

謂四方之山皆可會計不定是

越之茅山故路史後紀注言塗山亦有會稽之名將所謂  
會於會稽者安知非卽指塗山之會耶然則會稽之墓爲  
誰曰古墓之不知者衆矣卽或是大禹古蹟亦必因德被  
六合殂落之後雖異域殊方無不起墳上以致其哀敬羅  
泌所稱儀墓非實葬所也後書陳蕃傳言禹巡蒼梧吳越  
春秋無余外傳言禹南到計於蒼梧今亦可曰禹致羣神  
於蒼梧乎述異記又言會稽山有虞舜巡狩臺臺下有望  
陵祠民思之故立祠禹陵亦猶是耳其可曰舜巡狩而崩  
葬于會稽乎舜禹葬處誣瀆最甚不可以不辨

竹書禹五年會塗山

八年會會稽不足信

史記志疑二

執玉帛者萬國解諸侯執玉附庸執帛正義言萬國者舉盈

數耳鄭玄注尚書以爲數正滿萬國云云

易稱先王建萬國親諸侯史記云黃帝置左右大監以監

萬國堯典云協和萬邦左傳云禹會諸侯於塗山執玉帛

者萬國萬國之數蓋親賢兼封夏列九州制五服立爵五

等分地有三公侯方百里伯方七十里子男方五十里不

足五十里曰附庸初學記禹之初進而受命者七千國左

云萬國者號數爾路史後紀漢書王莽傳上云夏后塗山

之會執玉帛者萬國諸侯執玉附庸執帛杜解本此周氏附論

今其存者無數十焉

齊召南曰晉書地理志春秋之初尚有千二百國迄獲麟

之末見於經傳者百有七十國百三十九知其所居魯邾

紀衛西虢莒齊陳杞蔡邾郕晉薛許鄧秦曹楚隨黃梁虞

邾小邾徐燕都麋舒庸邾萊吳越有窮三苗瓜州有虞東

莒共宿申夷向南燕滕凡戴息邾芮魏淳于穀巴州蓼羅

須句顓臾頓管雍畢豐邾邰應蔣茅胙夔介焦沈六巢根牟

唐黎郕瑕寒有鬲斟灌斟尋過有過戈偃陽邾諸豕韋唐

杜楊陶鄆觀扈邳胡黎大庭駘岐邾鍾

吾蒲姑昆吾房密須甲父邾桐亳韓趙三十一國盡亡其

處祭極荀賈貳軫絞於餘上陽箕英氏毛羽葦偃封父仍

有仍崇邾庸姚奄商奄襄奴蓐有緡闕鞏颺鞏窮桑鞏

此總論經傳中所載國名耳至哀公時國之存者原不過

數十也左傳戰國策齊顏觸曰大禹之時諸侯萬國及湯

之時諸侯三千今乃二十四惠氏補注六

魯擊柝聞於邾正義易繫辭云重門擊柝以待暴客鄭玄云

手持兩木以相敲是為擊柝守備警戒也

魯擊析聞于邾謂判兩木夾于門爲機相擊以警夜也今

荒戍多鉞鼓以持更盡其遺象

說文協字繫傳

成子以茅叛解高平西南有茅鄉亭

茅在山東兗州府金鄉縣

案縣今改屬濟寧州

西北四十里

春秋輿圖

詳見僖廿四年茅國下

因諸負瑕解魯邑高平南平陽縣西北有瑕丘城

負瑕在今山東兗州府滋陽縣西二十五里

大事表七之一

邾茅夷鴻以束帛乘韋自請救於吳

告請者無庭實

案儀禮聘禮云若有言則以束帛如享禮注云有言有所告請若有所問也記曰有

故則束帛加書以將命無庭實也

此言乘韋者賈公彥曰求救非法故有

乘韋爲庭實也

惠氏補注六

立于社宮解社宮社也

鄭衆曰社宮中有室屋者

史記曹世家集解

使爲司城以聽政

曹國近宋故倣宋司城之名其曰聽政蓋政卿也

春秋分記職官

四書程啟生曰司城宋官曹不應有蓋曹後衰弱奉宋之政

令已久其見滅於宋宜矣

大事表十

乃背晉而奸宋

賈逵曰以小加大

史記曹世家集解

言曹因弄晉而犯宋遂致滅

也

又索隱

黍丘解梁國下邑縣西南有黍丘亭

下邑卽今之夏邑也屬河南歸德府黍丘亭在縣西南

大事

表七  
之二

揖丘大城

揖丘在山東曹州府曹縣境大城在府治荷澤縣境春秋輿圖

鍾邛

二邑俱在曹州府定陶縣境春秋輿圖

哀師待之

此宋師也宋之殿兵不行故師待之林注以曹師言誤讀左

日鈔  
十二

魯雖無與立必有與斃解緩時若無能自立急則人人知懼皆將同死戰

魯無與立言弱也必有與斃如公賓庚之屬惠氏補注六



澹臺子羽之父好焉解澹臺子羽武城人孔子弟子也

澹臺滅明魯之東武城人也字子羽魯大夫

大戴禮記衛將軍篇盧辨

注

案水經渠水注引京相璠曰今泰山南武城縣有澹臺子羽冢疑此東字有譌通志氏族略五引風俗通云漢

有博上

澹臺恭

吳師克東陽而進舍於五梧明日舍於蠶室解三邑魯地廿

五年五梧解魯南鄙也

東陽或曰泰山南城縣西東安城是也疑

杜氏土地名王朝梧校曰晉

書地理志南城作南武城而續漢書郡國志注引杜說仍作南城縣與續漢書縣名合

東陽城在山

東沂州費縣

案沂州今升府治縣屬之

西南七十里魯邑也呂氏春秋

音

初夏孔甲田于東陽即此邑也今為關陽鎮

讀史方輿紀要三十三

五梧在費縣西哀二十五年公至自越季康子孟武伯逆

於五梧公宴於五梧卽此蠶室今兗州府滕縣東三十里

有蠶母山

春秋地名攷略二

公賓庚公甲叔子

複姓左傳魯有公賓庚公甲叔子

廣韻公字注案後漢書劉玄傳有東海人公

賓就注引風俗通曰魯大夫公賓庚之後

微虎解魯大夫

微氏子姓宋微仲之後左傳魯大夫微彪

通志氏族略四

有若與焉解有若孔子弟子

鄭玄曰魯人

史記仲尼弟子列傳集解

而多殺國士

詩云彼都人士左傳曰多殺國士此皆說指有知識之人

不必居官授職之士

孝經孝治章疏

取謹及闡解闡在東平剛縣北

案原誤劉縣今改正

齊召南曰各本同誤東平無劉縣當是剛縣之譌剛縣前

漢屬泰山郡地理志曰剛故闡注應劭曰春秋取謹及闡

今闡亭是也後漢改屬濟北國故郡國志於剛縣下引此

傳及杜注可證

左傳考證

故剛城在今山東兗州府寧陽縣東

北三十五里

犬事表七之一

案杜氏土地名云東平剛平縣北

闡鄉城晉志作剛平蓋杜氏於晉初修成例解地名始改

故自異耳史記齊系家索隱呂祖謙春秋集解引杜注作

剛縣水經汶水注引釋地作剛縣皆無平字

齊閭丘明來蒞盟解明閭丘嬰之子也

嬰子明武子

嬰見襄廿五 春秋分記世譜二

子姑居於潞以察之解潞齊邑

哀十七年齊人伐衛執公孫般師以歸舍諸潞卽此或曰

在齊郊外

春秋地名 攷略三

九哀故園宋雍丘解雍丘縣屬陳留

雍丘本杞所封此曰宋雍丘蓋杞遷而宋得之

讀左月雍 鈔十二

丘今爲河南開封府杞縣治

大事表 七之二

以邾張與鄭羅歸解鄭之有能者

鄭大夫邾張其先封邾鄉因氏焉

通志氏 族略三

在本國未有以

國氏者鄭羅蓋從其在宋而稱之也

萬氏氏 族略

吳城邗溝通江淮解於邗江築城穿溝東北通射陽湖西北

至末口入淮通糧道也今廣陵韓江是

案土地名邗在廣陵東南自邗江穿溝東北向射陽湖西北至末口入淮今謂之韓江口

北向射陽湖西北至末口入淮今謂之韓江口

昔吳將伐齊北霸中國自廣陵城東南築邗城城下掘深

溝謂之韓江亦曰邗溟溝自江東北通射陽湖地理志所

謂渠水也西北至末口入淮自永和中江都水斷其水上

承歐陽埭引江入埭六十里至廣陵城楚漢之間為東陽

邵高祖六年為荆國十一年

伯兄校十二年

為吳城即吳王濞所

築也景帝四年

伯兄校三年

更名江都武帝元狩三年更曰廣

陵

水經淮水注

吳越春秋吳將伐齊自廣陵闕江通淮亦曰渠

水漢志江都縣有渠水首受江北至射陽入湖是也又名

中瀆水水經注中瀆水首受江於廣陵郡之江都縣縣城

臨江自廣陵出山陽白馬湖逕山陽城西又東謂之山陽浦又東入淮謂之山陽口是也山陽本漢射陽縣屬臨淮郡晉義熙中改曰山陽縣射陽湖在縣東南八十里縣西有山陽瀆卽古邳溝其縣北五里之北神堰卽古末口也案讀史方輿紀要二十三云揚州府邳溝城寰宇記在州西四里蜀圖上府東南二里官河古邳溝也大事表八下云邳江亦曰漕河起揚州府城東南二里歷邵伯湖高郵湖寶應湖北至黃浦接淮安府界爲山陽瀆其合淮處曰末口在府北五里自江林少穎云禹時江淮未通故揚之達淮南北長三百餘里

貢必由江入海以達于淮泗至吳王夫差掘溝通水與晉會于黃池然後江淮始通說本蘇傳今案溝通江淮事在左氏哀九年黃池之會則在十三年卽吳語所云夫差起師北征闕爲深溝通於商魯之間北屬之沂西屬之濟以

會晉公午於黃池者也一自江通淮一自淮通濟本二役

亦二地東坡誤合爲一

案說本因學紀聞二

閻氏四書釋地云左傳

吳城邗溝通江淮乃引江達淮與孟子排淮入江者不合  
直至隋文帝開皇七年丁未開山陽瀆煬帝大業元年乙  
丑開邗溝皆自山陽至揚子入江水流與前相反蓋孟子  
後九百餘歲其言始驗若豫爲之兆者亦屬異事漢志江  
都渠水首受江北至射陽入湖水經注中瀆水首受江自  
廣陵至山陽入淮是其水乃自南入北非自北入南也卽  
以邗溝旣開時言之孟子云淮注江亦誤然班固言渠水  
入湖而不言入淮頗有分判撰水經者乃云淮水過淮陰  
縣北中瀆水出白馬湖東北注之道元遂以爲此水直至

山陽口入淮而其說牢不可破矣竊疑高郵寶應地勢最卑若釜底然邗溝首受江水東北流至射陽湖而止杜預云自射陽西北至末口入淮此不過言由江達淮之糧道耳路可通淮而水不入淮也水經殆不如地志之確禹貢

六 案宋史河渠志六 徽宗宣和三年詔曰江淮漕運尚

矣春秋時吳穿邗溝漢吳王濞開邗溝通運海陵隋開邗溝自山陽至楊子入江乃禹貢雖指以吳王濞事不知何據愚疑濞曾築吳城遂相傳有開廣邗溝之說耳

晉趙鞅卜救鄭遇水適火解水火之兆

此傳證卜書之爲五行尤最明著蓋以兩水而遇一火謂之水適火也水遇火則必滅火如兩水相遇則不能相勝



齊太皞之後火之祀也宋爲子姓水之位也故曰利以伐

姜不利子商

李氏榕村集二十

占諸史趙史墨史龜解皆晉史

金縢乃卜三龜一習吉啟籥見書乃并是吉一事耳而卜三龜者卜必三鑽猶筮之有十八揲也初鑽得五之一再鑽得二十五之一三鑽乃得百二十五之一此時未開書何以知其吉也三鑽皆不焦而食墨故曰一習吉也及開書而其頌辭又吉故曰乃并是吉也後人不悟三龜之義而以爲使三人分卜者非矣洪範所謂三人占者既得體兆之後使三人互相參決如傳史趙史墨史龜之比爾

李氏

榕村集

二十

哀公會吳子邾子

齊召南曰此邾子卽大子革上年爲吳人所立者也

左傳考證

師于鄆解鄆齊地

孔廣森曰土地名云鄆闕案隱十一年息國字亦作鄆

見釋

文然與此別路史國名紀四云鄆齊附庸今濟南郡

吳子三日哭于軍門之外

服虔曰諸侯相臨之禮

史記吳世家集解

徐承帥舟師將自海入齊解承吳大夫

大江自江南通州入海淮自淮安府安東縣入海吳從此

至山東登萊府界卽齊地

大事表八下

於是乎取犂及轅解犂一名隰濟南有隰陰縣祝阿縣西有

轅城正義犁卽犁丘也云云

犁犁丘隰三名濟南有隰陰縣轅濟南祝阿縣西北有轅

城

杜氏土地名

隰齊大夫隰氏之采邑

詳僖九年秋地名攷略三

春

隰陰城

在山東濟南府臨邑縣西十里本齊之犁丘邑其地亦名

隰漢置漯陰縣屬平原郡後漢曰濕陰或曰漯亦音他合

反然則左傳之隰漢書之漯或皆傳寫之譌當以濕爲正

也建安八年袁譚將劉詢起兵漯陰以叛譚漯亦當作濕

讀史方輿紀要三十一

哀十年趙鞅伐齊取犁齊地也十一年衛大

叔疾寘其妻娣于犁衛邑也

春秋分記疆理書十一

轅城在濟南府

禹城縣西北一云在縣南百里春秋時齊邑也

讀史方輿紀要三十

一 案隰詳廿三年水經漯水注引杜預釋地曰濟南祝

阿縣西北有援城又引杜預曰轅卽援也今本釋例作轅  
路史國名紀四轅亦作袁水經濟水注引京相璠曰濟南  
梁鄒縣有袁水者也愚謂轅援袁同音通用如爰田作輿  
田袁婁作爰婁之類

吳延州來季子救陳謂子期曰二君不務德而力爭諸侯民  
何罪焉我請退以爲子名務德而安民乃還解季子吳王壽  
夢少子也壽夢以襄十二年卒至今七十七歲壽夢卒季子

已能讓國年當十五六至今蓋九十餘

正義

襄昭之傳稱延

州來季子者皆是季札也此說務德安民是大賢之事亦當  
是札故計跡其年言雖老猶能將兵也孫毓以爲季子食邑  
於州來世稱延州來季子猶趙氏世稱知伯

案趙汭補注引正義作趙氏世

稱趙孟知氏世稱知 延州來季子或是札之子與孫也  
伯今本蓋脫六字

梁英書曰東坡作延州來季子序贊稱其壽而且康云坐  
閱春秋幾五之二其和陶擬古有云我師吳季子守節到  
晚周一見春秋末渺焉不可求又叔黨斜川集云老聃及  
見東周晚季子幾同魯史長並用此傳不得謂札之子若  
孫也

哀十 國書高無不

國民夏定子書高氏張昭廿九子無不春秋分記

及清解濟地濟北盧縣東有清亭

水經注濟水自魚山而北逕清亭今在長清縣東案縣屬山東濟

南府又隱四年公及宋公遇于清杜云衛邑濟北東阿縣有

清亭蓋當時濟水流於二邑之間而清地跨占其左右故

二國皆有清也

案大事表六之下云景范氏以爲一地今從杜

濟水一名清水地

以此名辨齊魯之界此爲最確矣

案齊有二清此與成十七年之清別春秋地

名攷

略三

俟於黨氏之溝解朝中地名

黨氏魯大夫

本莊卅二年解

猶云子駒之門也

惠氏補注六

樊遲爲右解樊遲魯人孔子弟子樊須

蒼頡廟碑開寶八年大呂月立韓從訓撰文韓文正行書

在白水縣

案唐屬陝西同州府

碑字甚拙其陰列孔子弟子姓名書

樊遲字子緩又分樊須爲二人非是

畢沅關中金石記五案此碑陰樊須字

子方不可識疑是遲字

商人七族有樊氏仲尼弟子有樊遲魯人蓋

其後也

通志氏族略三 史記仲尼弟子列傳索隱 鄭玄云齊人家語云魯人据此作魯人是

有子曰解有子冉求也

冉求有子冉子

杜氏世族譜

冉求字子有

本史記列傳

冉雍之子爲

季氏之宰

大戴禮記衛將軍篇原辯注

家語云冉求仲弓之族案古家

語及弟子傳求雍並少孔子二十九歲明非父子也注誤

孔廣森大戴禮記備注 案今殿本作冉雍之族

就用命焉解雖年少能用命

就卽陳力就列之就言須雖弱使之就於行伍必用命焉

就字微讀

讀左目 鈔上二

見保者而泣解保守城者

鄧康成曰保縣邑小城

見檀弓下注

案晉語九尹鐸曰抑爲保

障乎韋昭曰小城曰保禮記曰遇入保者後世作堡惠氏補注

六

齊師自稷曲解郊地名

上云次于雩門之外又云戰于郊案雩門乃南城西門稷門乃南城正門此郊地蓋近稷門之外故名稷曲如韋曲

杜曲也

周氏附論

不信子也

言季孫德不素著不爲民所信也家語正論解注見太

陳瓘陳莊涉泗解二陳齊大夫

案哀十五年傳注瓘陳恆之兄子玉也十四年傳注成子之兄弟有昭子莊此陳莊卽昭子莊也大事表十二上



陳轅頗出奔鄭

轅頗據唐書宰相世系表以爲轅選之曾孫杜譜惟轅濤

塗轅僑列爲轅氏餘並入雜人內

萬氏氏族略

詳僖四年

五月克博王申至于嬴博嬴齊邑也二縣皆屬泰山

張雲璈曰博城在山東泰安府泰安縣東南三十里卽舊

縣村故堞猶存本齊博邑漢置縣屬泰山郡嬴邑亦在境

內檀弓延陵季子葬子於嬴博之間知二邑固相近也

已

詳桓三年

胥門巢將上軍

今蘇州城之西南門曰胥門陸廣微吳地記云本伍子胥宅因名非也趙樞生曰案吳越春秋吳王夫差十三年將

與齊戰道出胥門因過姑胥之臺則子胥未死已名爲胥門愚攷左傳哀十一年艾陵之戰胥門巢將上軍胥門氏

巢名蓋居此門而以爲氏者如東門遂桐門右師之類

禮大司馬帥以門名注日知錄三十一案廣韻門字注伍子胥抉眼吳門

因謂之胥門子孫乃以胥門爲氏吳有胥門巢攷吳語子胥將死曰以縣吾目於東門史記正義曰今名葑門明非胥門也子胥卽以是年賜死必不用其宗族爲將況已屬其子於齊鮑氏焉有子孫以胥門爲氏乎杜譜以胥門巢爲雜人是已

公孫夏命其徒歌虞殯解虞殯送葬歌曲示必死正義蓋挽引之人爲歌聲以助哀今之挽歌是也舊說挽歌漢初田橫

之臣爲之據此挽歌之有久矣

譙周法訓曰挽歌者高帝召田橫至尸鄉自殺從者不敢

哭而不勝哀故爲此歌以寄哀音焉

文選挽歌注

風俗通義言

漢末時京師賓婚嘉會皆作魁櫺酒酣之後續以挽歌續案

漢書五行志一注引又後漢書周舉傳陽嘉六年三月上巳日大將

軍梁商大會賓客譙於洛水酣飲極歡及酒闌唱罷繼以

鼙露之歌坐中聞者皆爲掩涕蓋漢末尤尚之謂挽歌始

於田橫賓客恐亦不然纂文云鼙歌今之挽歌也宋玉對

問已有陽阿薤露矣推而上之左傳公孫夏命其徒歌虞

殯杜注云送葬歌曲莊子亦有緇謳之文

此莊子逸文困學紀聞十引之

司馬紹統注緇引柩索也謳挽歌也

義門讀書記

陳子行命其徒具含玉解亦示必死

案典瑞云大喪共飯玉含玉

周禮春官

雜記云含者執璧彼據

諸侯而用璧唯大夫含無文哀公十一年左氏傳云公會

吳子伐齊陳子行命其徒具含玉示必死者春秋時非正

法若趙簡子云不設屬裨之類

儀禮士喪禮疏

詳見文五年

戰于艾陵解齊地

括地志云艾山在兗州博城縣南百六十里本齊博邑

史記

伍子胥傳正義

案杜氏土地名於隱六年艾云泰山牟縣東南

有艾山又琅邪臨沂縣東艾亭疑於此傳艾陵云闕雖並

屬齊別爲二地明矣牟縣爲今山東蒙陰縣臨沂縣爲今

蘭山縣皆隸沂州府博城縣爲今泰安府泰安縣去沂州

二百餘里括地志言艾山在博城南百六十里豈艾山縣互甚廣連屬數縣之境耶通志氏族略三云艾亦謂之艾陵齊魯境上山固以爲一地二名與杜氏異未經目驗莫能定也

州仇奉甲從君而拜解拜受之

奉甲從君對王之言而拜受之之禮

邵氏左篇

壤地同而有欲於我解欲得吳

呂覽

知化篇

載子胥語曰吳之與越也接土鄰境壤交通屬

案長攻篇吳之與越接土鄰境道易人通仇讎敵戰之國也亦子胥語

習俗同言語通我得

其地能處之得其民能使之越於我亦然故云有欲於我

惠氏補注六

得志於齊猶獲石田也無所用之解石田不可耕

呂覽載子胥語曰齊之與吳也習俗不同言語不通我得

其地不能處得其民不得使故謂之石田也

惠氏補注六

盤庚之誥曰其有顛越不共則劓殄無遺育解顛越不共從橫不承命者也劓割也殄絕也有長也正義彼文云顛越不

恭云云

服虔曰顛隕也越墜也顛越無道則割絕無遺也

史記吳世家集

解

屬其子於鮑氏爲王孫氏解改姓爲王孫欲以辟吳禍

伍豐

大事表十二下

案世族譜云伍員子其在齊爲王孫氏顧

氏世系表云本名豐不知所據

使賜之屬鏤以死解屬鏤劍名

鑄刺也之欲反故良劍謂之屬鏤亦取其利也

荀子榮鏤辱篇注

剛鐵

書禹貢傳

衛大叔疾出奔宋解疾卽齊也

大叔疾悼子齊

杜氏世族譜

案經書世叔齊必是其名疾其

字也

寘於犁解衛邑

犁當在今山東曹州府濮州東南

大事表七之二

與之城鉏解宋邑

襄四年后羿自鉏遷于窮石杜注鉏本國名卽此城鉏也

後屬衛哀二十五年衛侯出奔宋適城鉏杜注近宋邑二

十六年衛悼公立以城鉏與越人出公自城鉏以弓問子

贛是也今直隸大名府滑縣

案縣今屬河南衛輝府

東十五里有鉏

城

春秋地名攷略十

使處巢

解衛地

寰宇記巢亭在襄陵縣南二十里今河南歸德府睢州巢

亭是也

大事表七之二

大叔懿子止而飲之酒解懿子大叔儀之孫

大叔申

案昭卅二年經衛世叔申杜云世叔儀孫也穀梁作大叔申

大叔懿子

杜氏世族譜

胡簋之事解胡簋禮器名夏曰胡周曰簋

正義胡簋行禮所用之器

用之器

方曰簋圓曰簋盛黍稷稻粱器

周禮地官舍人注

案孝經云陳其



簋簋注云內圓外方受斗二升者直據簋而言若簋則內方外圓知皆受斗二升者旒人云爲簋實一穀豆實三而成穀豆四升三豆則斗二升可知但外神用瓦簋宗廟當用木故易損卦云二簋可用享損卦以離巽爲之離爲日日圓巽爲木木器圓簋象是用木明矣又疏舊圖云內方外圓曰簋足高二寸黍赤中案鄭注地官舍人秋官掌客及禮器云圓曰簋盛黍稷之器有蓋象龜形外圓而方以中規矩天子飾以玉諸侯飾以象亦詳儀禮少牢饋食禮注疏又案考工記旒人爲簋受一斗二升高一尺厚半寸脣寸又以黍寸之尺校之口徑五寸二分深七寸二分底徑亦五寸二分厚八分足底徑六寸三禮圖十三

鳥則擇木木豈能擇鳥解以鳥自喻

服虔曰鳥喻已木以喻所之之國

史記孔子世家集解

魯人以幣召之乃歸解於是自衛反魯樂正雅頌各得其所  
正義孔子世家云季康子使公華公賓公林以幣迎孔子孔子歸是也

金履祥曰案世家稱孔子自楚反衛在哀公六年其後自衛反魯首尾又六年何久于衛如此及攷之陳世家則楚昭卒之年孔子在陳非反衛也攷之衛世家則齊弑悼公之年孔子始自陳至衛明年反魯則非久于衛也然猶至衛何也孔子在陳思魯狂士曰盍歸乎來則自陳至衛蓋過衛耳意則主于歸魯也以夫子門人如子夏子貢子羔

之徒亦多衛人而魯為父母之邦其出也既以司寇去國

則其反也不可以無故而復國故明年召之即歸也讀左日鈔

二十疏引史文逐作使據冉有母以小人固之一語則逐字

近之而康子實未嘗用孔子則使字是未定孰從江氏永

謂世家誤使為逐康子豈能遽逐小人哉史記志疑二十五

則以丘亦足矣

魯自成公已後行丘甲之法故云以丘亦足又云若欲行

而法則周公之典在有子對哀公盍徹語意正同周氏附論

哀十季氏不絕放經而拜解季孫不服喪故去經從主節制

觀季氏不服喪冠則當時不以夫人禮待之可知孔子去

經而拜固不欲矯季氏之失亦所以掩昭公之非禮也讀左

日鈔  
十二

公會吳于橐臯解橐臯在淮南逡迤縣東南釋文橐臯章夜反或一音託

宋紹興十一年兀朮陷廬州屯兵柘臯為劉錡等所敗今

江南安徽廬州府巢縣西北六十里有柘臯鎮俗猶名會吳

城今設柘臯巡檢漢逡迤故城在今廬州府治合肥縣東與巢縣

接壤大事表七之四

衛侯會吳于郕解郕發陽也廣陵海陵縣東南有發繇口案

地名呂氏集正義畏吳竊盟恐吳知之云云

晉置海陵縣屬廣陵郡今為泰州案州屬江蘇揚州府發陽無考今

如臯縣案縣屬通州亦海陵地縣南十里有會盟原相傳為吳

楚會盟處攷春秋之世吳楚始終無盟會事意必指此矣

春秋地名

攷略十一

效夷言

觀此則春秋時已重吳音矣不始於晉也

惠氏補注六

子之尚幼解子之公孫彌牟廿五年解南氏子南之子公孫

彌牟

子之公孫彌牟文子

廿五年解同杜氏世族譜

案禮記檀弓上正

義引世本靈公生昭子郢郢生文子木及惠叔蘭然則彌

牟是木之字愚謂文子禮辭子游不宜自稱其字據此傳

則字子之名彌牟牟與木聲轉字異耳通志氏族略四引

世本郢生文子才芳爲將軍氏疑才爲木之譌脫芳或卽

蘭之字也蓋彌牟以父字爲氏故亦稱子南彌牟官衛之將軍故檀弓稱將軍文子水經汝水注引汲冢古文謂衛將軍文子爲子南彌牟可證其子瑕又以父之官爲氏詳見哀二年

從之固矣

固如與人而不固之固

語本襄十四  
顧氏補正下

冬十二月螽季孫問諸仲尼仲尼曰丘聞之火伏而後蟄者畢今火猶西流司歷過也解周十二月今十月是歲應置閏而失不置雖書十二月實今之九月司歷誤一月九月之初尚溫故得有螽火心星也火伏在今十月猶西流言未盡沒知是九月歷官失一閏釋例論之備正義月令季夏之月昏

火星中詩云七月流火云云

周道既衰幽王既喪天子不能班朔魯歷不正以閏餘一

之歲爲鄣首故春秋刺十一月乙亥朔日有食之於是辰

在中

襄廿七

而司歷以爲在建戌史書建亥哀十二年亦以

建申流火之月爲建亥而怪蟄蟲之不伏也

漢書律歷志上

張晏

曰周之十二月夏之十月也再失閏當爲八月建酉而云

建申誤也仲尼曰火猶西流司歷過也劉歆徒以詩七月

流火爲喻不知八月火猶西流也

又注

推哀公十二年歲在

戊午應置閏而不置故書十二月有蚤法臣淳風等謹案

衛意問宜云從周歷上元丁巳至哀公十二年歲在戊午

積二百七十五萬九千九百四十二算有閏以不若有閏

復在何月之下曰有閏在八月之下術曰置周歷上元丁巳至哀公十二年歲在戊午積二百七十五萬九千九百四十二算以元法四千五百六十除之得六百五弃之取不盡一千一百四十二以章月二百三十五乘之得二十六萬八千三百七十以章歲十九除之得一萬四千一百二十四爲積月不盡十四爲閏餘經云閏餘十二已上有閏其歲有餘十四則知十二年有閏也求十二年閏月法置章歲十九以閏餘十四減之不盡五以歲中十二乘之得六十以章閏七除之得八命從正月起算外卽閏在八月下甄鸞案周十二月夏之十月也哀公十二年閏在夏八月下當時實是夏之九月而失以閏月爲九月以九月



爲十月故書冬十有二月蝻也

五經算術下

餘詳駁證

三十獲成謹郤延解二子宋大夫

南部爲宋邑北部爲宋所并

隱十桓二

郤延當以邑爲氏或卽

郤之子孫以國爲氏

周氏附論

公會單平公晉定公吳夫差于黃池解平公周鄉士也陳畱

封丘縣南有黃亭近濟水

單平公武公子

武公見定七年大事表十二上

鄭地黃池傳曰吳子執子

服景伯以還及戶牖然則黃池當在戶牖西北或以爲陳

畱外黃縣東溝非矣

杜氏土地名

黃池在河南開封府封丘縣

西南七里東西廣三里史記韓昭侯二年宋取我黃池卽

此

讀史方輿紀要四十七

越子伐少一隧隧道也

軍法司空治軍隧道義見淮南子兵略訓惠案吳語句

踐命范蠡舌庸率師沿海沂淮以絕吳路句踐乃率中軍

沂江以襲吳蓋越兵入吳一截淮一沂江所謂二隧也讀

日鈔

先及郊

敗王子友於姑熊夷國語姑熊夷吳郊也又

壽於姚

壽氏風俗通吳王壽夢之後吳大夫壽越見襄又有壽於

姚通志氏

自泓上觀之解泓水名

泓闕

杜氏土地名

孔廣斌曰僖二十二年之泓乃宋水名與

此異

彌庸見姑蔑之旗曰吾父之旗也解姑蔑越地今東陽大末縣彌庸父為越所獲故姑蔑人得其旌旗

墨子旗識篇曰建旗其署令皆明白知之曰某子旗

惠氏補注

六姑蔑人得之故曰姑蔑之旗

邵氏左傳

姑蔑城在龍游縣北

今衢州府境國語句踐之地西至于姑蔑左傳吳王孫彌

庸見姑蔑之旗是也

案越語注姑蔑今太湖是也疑太末之譌

相傳穀溪之南

即其故城

讀史方輿紀要九十三

吳晉爭先解爭歃血先後

執牛耳是小國尸盟者也

詳襄廿七小國固必有尸盟者正義

若以歃血則

大國在先故哀公十三年吳晉爭先國語曰吳公先歆晉

亞之既言爭先是以知大國當在先若諸侯相與盟則大

國戎右執牛耳也

見夏官戎右周禮天官玉府職疏

趙鞅呼司馬寅曰解寅晉大夫

董褐晉大夫司馬演

國語吳語注

案吳越春秋三作童褐董

與董通故亦作童且音相近餘見攷異

肉食者無墨解墨氣色下

墨暴氣也

國語吳語注案暴氣一本作黑氣下文將毒注云毒猶暴也疑暴氣爲是

及戶牖解陳畱外黃縣西北東昏城是

鄭地戶牖

杜氏土地名

戶牖地秦屬陽武縣陳平陽武戶牖人

也漢因封爲戶牖侯後置東昏縣屬陳畱郡宋改置東明

縣金又改置蘭陽縣今屬開封府東昏故城在蘭陽縣東

北二十里

春秋地名攷略十案高氏攷略以戶牖列入宋地顧氏表同與杜異殆亦如彌作頃丘等六

邑爲宋鄭隙地也

魯將以十月上辛有事於上帝先王季辛而畢何世有職焉

解有職於祭事

正義

周之十月非祭上帝先公之時且祭禮

終朝而畢無上辛盡於季辛之事景伯以吳信鬼皆虛言以

恐吳耳

魯有所穀之郊而無冬至之郊上辛盡下辛乃前一月卜

郊之禮然春秋所書郊無定月景伯特權辭以紿吳耳不

可以典制求之

讀左日

十二

補釋